

Gwasanaeth Cynghori Cyswllt Ffermio

Cefnogaeth wedi'i deilwra i'ch cynorthwyo i gyflawni eich nodau



FARMING
connect
cyswllt
FFERMIO

08456 000 813



www.llyw.cymru/cyswlltffermio

Cynnwys

3 Cyflwyniad i'r Gwasanaeth Cyngori

4 Categoriâu cynllunio busnes

6 Categoriâu technegol

11 Ydych chi'n barod i ymgeisio?

12 Sut i gofrestru

12 Cysylltwch â ni



Y Gwasanaeth Cyngori

...*Cefnogaeth wedi'i deilwra i'ch cynorthwyo i gyflawni eich nodau*

Mae **Gwasanaeth Cyngori Cyswllt Ffermio** yn darparu cyngor arbenigol annibynnol, cyfrinachol ac wedi'i deilwra ar gyfer:



BUSNESAU FFERM

BUSNESAU COEDWIGAETH

Ein nod yw sicrhau eich bod yn:

- ✓ elwa o gefnogaeth busnes a/neu gyngor technegol, wedi'i deilwra i anghenion eich busnes
- ✓ lleihau costau trwy gynyddu effeithlonrwydd ar draws pob maes o'ch busnes
- ✓ meincnodi eich perfformiad ac yn gweithio tuag at gynydd a thwff
- ✓ adnabod meysydd i wella a chanfod atebion i broblemau



Cyngor un-i-un - wedi'i ariannu hyd at 80% hyd at uchafswm o €1,500 (ewro) am bob achos o gyngor.



Cyngor grŵp - wedi'i ariannu'n llawn hyd at uchafswm o €1500 (ewro) i bob aelod o'r grŵp. Gall rhwng tri ac wyth o bobl ymgeisio ar gyfer cyngor technegol fel grŵp a dau berson yn achos menter ar y cyd.



Gall busnesau cymwys ymgeisio am hyd at bedwar achos gwahanol o gyngor wedi'i deilwra drwy'r Gwasanaeth Cyngori.



Mae'n rhaid i unrhyw un sy'n cael mynediad at y Gwasanaeth Cyngori fel unigolyn neu fel rhan o grŵp fod wedi cofrestru gyda Cyswllt Ffermio.

Categoriâu cynllunio busnes a thechnegol

Eich cynorthwyo i gyflawni eich nodau busnes a'ch amcanion technegol

Mae'r rhestr isod yn amlinellu'r categorïau cyngor busnes a chefnogaeth dechnegol sydd ar gael fel rhan o'r Gwasanaeth Cyngori.

Gobeithio y bydd y disgrifiadau byr yn eich galluogi i wneud penderfyniadau deallus ynglŷn â pha gategori/categoriâu fyddai o fwyaf o fudd i'ch busnes, ond os oes angen gwybodaeth neu arweiniad pellach, cysylltwch â'ch Swyddog Datblygu lleol.




CATEGORIÂU BUSNES

Mae Cyswllt Ffermio yn darparu pecyn o gefnogaeth wedi'i deilwra ar gyfer eich anghenion a fydd yn eich cynorthwyo i wneud penderfyniadau deallus ynglŷn â'r canlynol...

- nodau busnes yn y tymor byr a'r tymor hir
- cynllunio ariannol
- cynllunio gweithredol
- dulliau arloesol neu fwy effeithlon o weithio
- eich strategaeth gwerthu a marchnata

Gallech ystyried lawr lwytho ein templed cynllun busnes fel man cychwyn, neu efallai yr hoffech fynychu un o'n gweithdai cynllunio busnes. Ewch i www.llyw.cymru/cyswlltffermio am fwy o fanylion ynglŷn â'r cymorth sydd ar gael ac er mwyn canfod manylion cyswllt eich Swyddog Datblygu lleol.



Cynllunio Busnes *(hefyd ar gael fel cyngor grŵp ar gyfer mentrau ar y cyd)*

Gallwch gael mynediad at gyngor cynllunio busnes cynhwysfawr sy'n cynnwys y fenter gyfan. Bydd y categori hwn yn rhoi darlun clir o broffil presennol eich busnes, gan feincnodi eich safle presennol. Byddwch yn deall eich cryfderau a'ch gwendidau ac yn gwybod beth y dylech fod yn anelu ato yn ymarferol er mwyn parhau i fod yn gynaliadwy, effeithiol a phroffidiol yn y blynyddoedd sydd i ddod.

Cynllunio Busnes ar gyfer Newydd Ddyfodiaid

Yn debyg i'r cyngor ar gael dan y categori cynllunio busnes (SBP), gallwch gael mynediad at gyngor cynllunio busnes cynhwysfawr sy'n cynnwys y fenter gyfan. Bydd y categori hwn yn rhoi darlun clir o broffil presennol eich busnes, gan feincnodi eich safle presennol. Byddwch yn deall eich cryfderau a'ch gwendidau ac yn gwybod beth y dylech fod yn anelu ato yn ymarferol er mwyn parhau i fod yn gynaliadwy, effeithiol a phroffidiol yn y blynyddoedd sydd i ddod. Mae'r categori hwn yn canolbwyntio ar anghenion a gofynion penodol newydd ddyfodiaid i'r diwydiant.

CATEGORïAU TECHNEGOL

Perfformiad a Rheolaeth Da Byw

Er mwyn sicrhau'r perfformiad gorau gan eich da byw, mae angen i chi fynd i'r afael ag ystod o faterion gan gynnwys iechyd a lles anifeiliaid. Mae mesur a chofnodi perfformiad yn allweddol ar gyfer hyn.

Gallwch gael mynediad at gyngor ynglŷn â'r adnoddau a'r technegau cydnabyddedig gorau i'ch cynorthwyo i gyflawni'r canlyniadau gorau posib o'ch da byw (gan gyfuno Gwerthoedd Bridio Tybiedig (EBV), cyfraddau stocio, opsiynau gaeafu, cynllunio porthiant, adeiladau, a nifer o faterion pwysig eraill).



Rheolaeth Glaswelltir a Chnydau

Yng nghyd-destun eich patrymau glaswelltir a chnydau, mae mynd i'r afael â rheolaeth pridd a maeth a rheoli tail buarth yn hanfodol os ydych yn anelu at redeg menter sy'n perfformio gyda'r gorau, gyda'r canlyniadau perfformiad uchaf. Bydd y categori hwn yn eich cynorthwyo i wneud y defnydd gorau o'ch adnoddau ac yn mynd i'r afael â'r holl faterion uchod, yn ogystal â darparu cyngor ynglŷn â Pharthau Perygl Nitradau (NVZ) ac adnabod unrhyw beryglon amgylcheddol.



Garddwriaeth

Os ydych yn ystyried, neu eisoes yn ymwneud ag un ai garddwriaeth gonfensiynol neu organig, bydd cyngor o fewn y categori hwn yn eich galluogi i roi egwyddorion cynaliadwyedd ar waith ac i asesu a lleihau effaith amgylcheddol cynhyrchu cnydau gan gynnwys llygredd gwasgareddig, allyriadau Nwyon Tŷ Gwyrdd; addasu i newidiadau hinsoddol a bioamrywiaeth. Bydd cyngor yn ymwneud â chylchdroi cnydau; rheoli afiechydon a phlâu; cynaeafu; materion amrywiaeth; cyfateb cnydau i'ch math o bridd a materion cyflenwi/marchnata.

Cynhyrchu Organig



I wneud y gorau o gynhyrchu organig, mae angen i chi fod yn ymwybodol o'r holl safonau organig a chytundebau Cynlluniau Ffermio Organig.

Bydd cyngor o fewn y categori hwn yn sicrhau eich bod yn deall y rheolaeth tir/ cnydau/da byw sydd arnoch ei angen.

Gall y rhai sy'n newydd i'r sector dderbyn cyngor ynglŷn â datblygu strategaeth trawsnewid organig. Gall busnesau sydd wedi sefydlu a busnesau newydd dderbyn cyngor am oblygiadau ariannol yn ogystal â chynghor arbenigol ynglŷn â chreu strategaeth farchnata.

Rheolaeth Coetir

Bydd y categori cynllunio a rheoli coetir hwn yn ystyried holl agweddau ariannol rheoli coetiroedd proffidiol, ac yn cynnwys cyngor ynglŷn â grantiau sydd ar gael, cyfundrefnau ar gyfer taliadau ar gyfer gwasanaethau Ecosystem a nifer o faterion sy'n ymwneud â chynlluniau Cod Carbon Coetiroedd.



Amaeth-amgylchedd, Gwasanaethau Ecosystemau a Bioamrywiaeth

Mae rheoli adnoddau naturiol yn eich cynorthwyo i adnabod, diogelu a rheoli cynefinoedd gan gynnwys planhigion ac anifeiliaid.

Byddwch yn derbyn cyngor ynglŷn â sut i ddiogelu a chyfoethogi rhywogaethau newydd a phresennol ar y tir, mewn dŵr ac mewn adeiladau fferm.



Byddwch hefyd yn gallu adnabod a rheoli safleoedd o ddiddordeb hanesyddol, archeolegol neu bensaernïol, gyda ffocws ar werth bioamrywiaeth a diogelu'r amgylchedd amaethyddol.

Arallgyfeirio ac Ychwanegu Gwerth

Gallai menter arallgyfeirio arwain at well dulliau o weithio neu ffrwd incwm ychwanegol.

Bydd y cynghorwyr yn eich cynorthwyo i asesu dichonolrwydd eich syniad, a byddwch yn derbyn cyngor ynglŷn ag agweddau gan gynnwys cynllunio ariannol a busnes; rheoliadau; prosesau deddfwriaethol; ymchwil i'r farchnad ac elfennau eraill o'r gymysgedd gyflenwi a marchnata.





Prosesu Coed ac Ychwanegu Gwerth

Bydd y cynghorwyr yn darparu cefnogaeth fusnes i fusnesau coedwigaeth/ffermio sy'n dymuno prosesu coed naill ai fel menter ychwanegol neu drwy arallgyfeirio i faes prosesu; contractio; tyfu a marchnata.

Bydd yn ymdrin â chynllunio ariannol yn ogystal â busnes.

Bydd y categorïau cyngor ychwanegol canlynol hefyd ar gael yn fuan:

→ **TECHNEGOL:**

Effeithlonrwydd ynni a dŵr

→ **TECHNEGOL:**

Cynhyrchu ynni adnewyddadwy

Ydych chi'n barod i ymgeisio?

Cyn gwneud cais ar gyfer cyngor cynllunio busnes neu gyngor technegol sydd ar gael fel rhan o Wasanaeth Cyngori Cyswllt Ffermio, bydd angen i chi:

- gofrestru gyda Cyswllt Ffermio - bydd angen i bob busnes sy'n gwneud cais ar gyfer y Gwasanaeth Cyngori fod wedi derbyn e-bost neu lythyr gan Cyswllt Ffermio'n cadarnhau eu bod wedi cofrestru.
- wirio eich cymhwysedd ar gyfer y Gwasanaeth Cyngori.

Categori busnes (wedi'i gadarnhau wrth gofrestru)	Gwasanaeth Cyngori – lefel y gefnogaeth sydd ar gael
<ul style="list-style-type: none"> • Busnes fferm • Busnes Coedwigaeth • Newydd Ddyfodiaid • Systemau ffermio/coedwigaeth arbenigol dros 550 awr o lafur cyffredinol bob blwyddyn 	<p>Pedwar achos o gefnogaeth cyngori dros gyfnod Cymunedau Gwledig Llywodraeth Cymru - Rhaglen Datblygu Gwledig 2014-2020.</p> <p>Gellir cael mynediad at gyngor Cynllunio Busnes dwywaith, gyda'r ail achos yn defnyddio ffigurau o flwyddyn ariannol wahanol i'r data a ddefnyddiwyd yn y cynllun busnes cyntaf.</p>
<ul style="list-style-type: none"> • Systemau ffermio/coedwigaeth arbenigol dan 550 awr o lafur cyffredinol bob blwyddyn 	<p>Un achos o gefnogaeth cynllunio busnes dros gyfnod Cymunedau Gwledig Llywodraeth Cymru - Rhaglen Datblygu Gwledig 2014-2020.</p>



Sut i gofrestru

Mae cofrestru ar gyfer unigolion cymwys yn broses sydyn a syml.



www.llyw.cymru/cyswlltffermio Canolfan Wasanaeth 08456 000 813

.....

Bydd angen i chi ddarparu:

- Eich Rhif Cyfeirnod Cwsmer (CRN) a'ch Rhif Daliad (CPH) os yn berthnasol.
- Cyfeiriad e-bost unigol ar gyfer pob person sy'n ymwneud â'r busnes sy'n dymuno cael mynediad at y gwasanaethau.

Rydym ni ar gael i'ch helpu...dros y ffôn, wyneb i wyneb, ar-lein

Mae ein tîm o Swyddogion Datblygu Lleol ar gael i roi cyngor ac arweiniad i chi ynglŷn â sut all Cyswllt Ffermio fod o fudd i chi a'ch busnes.

Mae manylion cyswllt ar gyfer y swyddogion datblygu, yn ogystal ag arweiniad llawn ynglŷn â'r Gwasanaeth Cyngori ar gael ar ein gwefan.

→ **Gwefan:** www.llyw.cymru/cyswlltffermio

→ **Ffôn:** Canolfan Wasanaeth - **08456 000 813**

→ **E-bost:** cyswlltffermio@menterabusnes.co.uk

[Facebook.com/FarmingConnect](https://www.facebook.com/FarmingConnect) @FarmingConnect

*Mae Canolfan Wasanaeth Cyswllt Ffermio ar agor rhwng 9yb a 5yp
o ddydd Llun i ddydd Gwener, ac eithrio gwyliau cyhoeddus.*